



Invit alla radunonza generala

sonda, ils 28 da mars 2026 allas 09.30 uras

el Swiss Heidi Hotel, Werkhofstrasse 1, 7304 Maiavilla

Caras commembras, stimai commembers, bugen lessan envidar Vus alla radunonza generala 2026. Uonn astga l'uniun festivar il 60avel, il chor siu 40avel onn da giubileum. Secapescha lein nus festivar ils dus anniversaris cun vus ensemen, quei buca cun gronds brimboris, denton en moda e maniera adequata. Bugen astgeis perquei era sevestgir empauet festiv per quei di.

Program:

- 09.30 arrivada tier café e cornets
- 10.00 avertura cun schatg musical
- 10.15 radunonza generala (las tractandas anfleis ell'annexa)
- 11.15 apero e honoraziun giubilars
- 11.45 emprema prespisa
- 12.00 prelecziun divertenta dad Erwin Caduff (Radio Rumantsch)
- 12.30 secunda prespisa
- 12.45 past principal
- 13.30 schatg musical Alexi e Marcus
- 14.15 dessert e silsuenter repartgida dils premis dalla tombola.

Sulet las bubrondas duront il gentar stueis surpender sez, tut igl auter vegn offeriu dall'Uniun Rumantscha Rezia Bassa. Vinavon vegn organisau ina tombola cun fetg bials premis.

Ord motivs d'organisaziun stuein nus saver contas persunas che prendan part, perquei ein ils participonts supplichei da **s'annunziar tiel president tochen sil pli tard ils 18 da mars 2026** per telefon/WhatsApp/SMS sin 079 703 53 80, ni per e-mail sin president@reziabassa.ch

Tgi che giavischa in menu vegetaric duei far schi bien e remarcar quei cun l'annunzia!

Il protocol dalla radunonza generala 2025 ed il pareri dil president 2026 anfleis sin la pagina d'internet www.reziabassa.ch

Cun salids cordials ed ad in bien seveser ils 28 da mars 2026 a Maiavilla
en num dalla suprastanza, Rinaldo Caduff, president